

南唐書補注

一

蘇子卿

解學

PDG

南唐書補注卷一

嘉業堂叢書

吳興劉承幹翰怡

烈祖本紀

名昇

補音釋昇音弁日光貌明也又喜樂貌或作忭

唐憲宗第八子建王恪之元孫威光音喜憲宗凡二十子見

唐書宗室世系表

考異建王恪通鑑誤作吳王恪考

吳王恪是太宗第五子建王恪是憲宗第八子不得以

二王同名恪誤以吳王爲建王也馬令南唐書但言先

主唐宗室裔江南錄皆言憲宗子建王恪元孫是書從

江南錄

陳水南泉憲嘗以南唐李昇宜繼唐後遂改馬令南唐書爲唐餘紀傳此猶蕭常以三國蜀志

爲續後漢書也然昭烈世系甚明猶覺以銖程鑑李昇自父祖以上名稱皆當時文臣搆造宋人已議及此更

讀吳越備史昇本安吉砦將潘某之子昇姓實潘也水南特以五季篡祚短促不足繼統不若南唐聲名文物雄擅江左不魏唐後耳

補注

天中記金陵李氏始以唐號國錢

文穆王問之曰金陵冒氏族於巨唐不亦駭人乎沈韜文曰此可取譬也且如鄉校閒有姓孔氏者人則謂之孔夫子復何怪哉王大笑賞卮酒

晦迹精舍

補音釋

精舍精潔之舍唐崔湜謂漢明帝

立精舍以處攝摩騰卽白馬寺故人以佛寺爲精舍

故以乞汝

補音釋

乞音器凡與人物亦曰乞晉書謝

安傳謂甥羊曇曰以墅乞汝

天祐六年

考異

是時梁已篡唐淮南仍稱天祐至十

五年而止

自元從指揮使遷昇州防遏使兼樓船軍使

補注吳

任臣吳百官表元從指揮使在左右廂馬步都虞候上防禦使下有防遏使先鋒指揮使樓船軍使

七年五月

補注錄異記天祐七年庚午夏洪州賈石

於越王山下昭仙觀前有聲如雷光彩五色袁吉江洪四州皆見觀前五色煙霧經月乃散

獨裒廉吏

補注吳春秋王潛歷官左司郎中典選事

時喪亂之後官失其守甲簿湮落潛雍容款接坐客常滿隨才而使人人自以爲得徐知誥爲相掄選有序潛之力也

課農桑

補注洪邁容齋續筆吳順義中差官興版簿

定租稅厥田上上者每一頃稅錢二貫一百文中田一頃稅錢一貫八百下田一頃千五百皆足陌見錢如見錢不足許依市價折以金銀算計丁口課調亦科錢宋齊上策乞虛擡時價而折綢絲絹本色是時絹每匹市價五百文綢六百文絲每兩十五文齊上請絹每匹擡爲一貫七百綢爲二貫四百絲爲四十文皆足錢丁口科調亦請蠲除朝議喧然沮之徐知誥曰此勸農上策也卽行之自是不十年閒野無閒田桑無隙地

求遺書

補注

陳后山談叢建業文房南唐烈祖節度

金陵之別室也趙元考家有建業文房書目才三千餘卷有金陵圖書院印焉

傾身下之

補注釣磯立談自楊氏奄有江淮其牧守

多武夫悍人類以威驚相高平居齋几之間往往以斬伐爲事至有位居侯伯而目不識點畫手不能捉筆者及烈祖以軍功牧昇州初以文譽自好招徠儒俊共論治體總督廉吏勤恤民隱由是遠邇宅心以爲己歸

雖以節儉自勵

補注陶穀清異錄江南烈祖素儉寢

殿燭不用脂蠟灌以烏桕子油但呼烏舅捧燭鐵人高尺五云是楊氏時馬廐中物一日黃昏急須燭喚小黃門掇過我金奴來左右竊相謂曰烏舅金奴正好作對也

王令謀

補注吳春秋王令謀故徐知誥客也初爲昇

州判官已而改揚府左司馬轉內樞使乾貞中徐知詢
握兵金陵與徐知誥相猜忌知誥頗患之令謀說知誥
曰公輔政日久挾天子以令境內誰敢不從知詢年少
恩信未洽於人無能爲也未幾遷同平章事太和三年
進左僕射兼門下侍郎與宋齊丘同平章事天祚三年
令謀如金陵勸知誥受禪辭不受九月癸丑卒令謀素
柔猾少志操老病無齒或勸其致仕令謀曰齊王大事
未畢吾何敢自安疾亟屢上書勸進是歲十月禪代令
謀竟先死

五月城成

補注

吳淑江淮異人錄錢處士天祐末游

於江淮嘗止於金陵楊某家吳朝以金陵爲州築城西

臨江東至朝溝錢指城西里餘荒穢之地勸楊買之楊
從其言及建爲都邑而楊氏所買地正在繁會之處乃
構層樓爲酒肆焉一云處士名亮寓居昇州嘗謂人曰
金陵王氣復興當有申生子應運於此及徐知誥爲昇
州刺史亮謁之退謂左右曰建業之地復興帝都卽郡
侯是也後溫徙知誥於潤因廣修廨署闊布城隍期以
當之亮曰此故修道主也至南唐禪代先主實生於戊
申與亮言合封亮爲霸國先生

戚光
音釋

古金陵唐稱昇州

城始東南跨淮水卽今城也又見後周宗傳

徙治焉

補注資治通鑑張崇爲德勝節度使貪暴不

法會廬江民訟縣令受賕徐知誥遣侍御史楊廷式往

訊廷式曰雜端推事其體至重職業不可不行知誥曰
何如廷式曰械繫張崇使吏如昇州簿責都統知誥曰
所按者縣令何至於是廷式曰縣令微官張崇使之取
民財轉獻都統耳豈可舍大而詰小乎都統者謂徐溫
也知誥謝曰固知小事不足相煩以是益重之注吳以
昇常宣歙池爲徐溫巡屬

自蒜山渡

威光音釋

在鎮江城西三里

帥師入廣陵定亂

補注

馬書知訓傳知訓與僧修睦

親狎得僞讖數紙皆修睦書也溫求修睦殺之

上下悅服

補注

馬書義養傳知訓之用事也常陵弱

楊氏而驕侮諸將遂以見殺及知誥秉政乃寬刑法推

恩信士有羈旅於吳者皆齒用之常陰使人察視民間有凶荒匱乏者賙給盛暑未嘗張蓋操扇左右進蓋必卻之曰士眾尙多暴露我何用此

以帝爲左僕射參政事

補晉釋射有兩音漢官儀注

師古曰射本如字今音夜蓋關中語轉爲此音

謂之政事僕射

補注江南餘載烈祖爲政事僕射時

遣人聘越越問識羅給事否曰不識越人曰四海知有

羅江東爾獨拙於耳乎對曰金榜上無名所以不知也

又云莊布訪皮日休不遇因以書疏其短失世頗傳其

文日休子光業嘗爲吳越王使江南輒問江表何人近

文最高或對曰近世無聞惟莊布贈皮日休書家藏一

本光業大慚

粲然並舉

補注胡訥見聞錄江南李氏凡人欲見先

畫像觀其妍醜廖克順面青江南謂之廖黯子由是惡之不得入見江南餘載烈祖嘗以中秋夜玩月延賓亭宋齊王等皆會時御史大夫李主明面東而坐烈祖戲之曰偏照隴西主明應聲對曰出自東海皆以帝之姓爲諷也

而人情頗已歸屬於帝

補注歐史安重誨傳初明宗

幸汴州重誨建議欲因以伐吳而明宗難之其後戶部尙書李璘得吳諜者言徐知誥欲舉吳國以稱藩願得安公一言以爲信卽引諜者見重誨重誨大喜以爲然

乃以玉帶與謀者使遺知誥爲信其值千緡後知誥之
問不至始奏貶鱗行軍司馬

行軍司馬

補注

吳百官表節度使下有副大使行軍

司馬行軍副使

工揣摩捭闔

戚光音釋

捭通作擺開也鬼谷子有捭闔篇蘇

秦學捭闔揣摩

知詢

補注

馬書知詢溫第二子也

帝刺知皇恐

補音釋

刺七迹切偵伺也前漢燕王旦

傳遣臣陰刺候朝廷事

改名誥

補注

胡三省曰徐知誥去名上一字單名誥

示不與徐氏兄弟同也

國號齊

補注宋史南唐世家昇受吳禪國號大齊改

元昇元僭帝號居金陵自云唐宗室建王恪之後下令復國號唐 按通鑑是年卽號唐

爲仁壽節

補音釋明皇雜錄云開元十七年百官上

表請以八月五日爲千秋節自後帝王誕日置節始此

讓皇帝

考異

高校十國春秋五代史馬陸兩書唐餘

紀傳皆作高尙思元弘古讓皇帝惟通鑑作讓皇云云

至以弘爲崇

高按疑宋人以廟諱而改也 采按五

國故事浙人所作故避劉爲婁或作彭城此又避弘爲

崇皆爲錢氏而諱

考溫爲太祖武皇帝

補注

馬書溫以上不追尊則復

姓之心見

張居詠

補注南唐春秋張居詠仕吳累官至門下侍

郎昇元元年烈祖以居詠爲中書侍郎與張延翰李建勳皆同平章事未幾表請烈祖復姓進左僕射兼門下侍郎同平章事居詠渾厚寡言爲人長者於朝廷無所表見元宗立罷爲鎮海軍節度使無何卒賜號順天翼運功臣特贈守太子太傅上柱國清河郡開國公諡曰懿

以建康爲西都廣陵爲東都

補注通鑑注南唐倣盛

唐兩都之制建東西都置留臺百司於兩都

朝元門

補注江南餘載朝元門三橋龍躍鎮國天津

兩曲尺跨水覆屋舊制文武大臣帶平章事許乘馬行
過鎮國天津二橋百官皆就二曲尺下馬

降吳太子璉爲弘農郡公

補注吳春秋太子璉睿帝

長子也乾貞二年封江都王太和初立爲皇太子天祚
中納齊王知誥女爲妃及南唐受禪降封弘農郡公領
平盧軍節度使兼中書令又改康化軍節度使昇元四
年謁平陵至竹篠口維舟大醉一夕暴薨或曰左右承
唐主指實置之死也追封弘農王諡曰靖 按平陵讓
皇陵也

建安王璿

補注吳春秋建安王璿睿帝兄子也初封

南昌郡公乾貞元年追封爲王南唐受禪降璿等十一

人爲公珙領康化軍節度使兼中書令居無何稱疾罷官歸永寧宮終焉

江夏王璘

補注

吳春秋江夏王璘睿帝第二子也乾

貞初與宜春南陽諸王同封累加太尉禪位時奉璽綬于齊南唐主遷官增邑降封郡公

加官增戶邑

補注

通鑑注降王爲公所以示異姓加

官增邑所以一其心

補音釋

南唐降封吳舊封王者

十一人考通鑑唐明宗天成二年十二月吳主溥立兄廬江公濛爲常山王弟鄱陽公澈爲平原王兄子南昌公珙爲建安王三年正月立子璘爲江都王璘爲江夏王璠爲宜春王宣帝子廬陵公玠爲南陽王外又有宜

春王璵新安公潯餘無可考

廣德長公主

補注

馬書女憲傳徐主義祖長女也性

淵睦動循禮法嘗偃蹇擇配初義祖疑李德誠有貳志
德誠不自安因使其子建勳入謁義祖義祖見之大驚
曰有子如此非惡人也以主妻之烈祖受禪徐爲郡公
主 **補音釋**公主者天子嫁女不自主婚使同姓主之
故曰公主見公羊傳唐封公主或以國名卽國代國霍
國是也或以郡名平陽宣陽東陽是也或以美名太平
安樂長寧壽昌永穆常芬唐昌之類是也明皇二十八
女悉以美名名之南唐蓋用郡名故事

改東都舊第爲崇德宮

補注

江南通志李昇宅在江